


TUARASCÁIL BHLIANTÚIL

Oifig An Stiúirthóir Um Fhorfheidhmiú Corparáideach

2012



Oifig an Stiúirthóra um
Fhorfheidhmiú Corparáideach

Office of the Director
of Corporate Enforcement

Le haghaidh eolas eile:

Oifig and Stiúrthóir um Fhorfheidhmiú Corparáideach

16 Cearnóg Pharnell,
Baile Átha Cliath 1.

Guthán: 01 858 5800

Íosghlao: 1890 315 015

Facs: 01 858 5801

Ríomhphoist: info@odce.ie

Suíomh Gréasán: www.osfc.ie

Ráiteas Cóipchirt agus Séanta

Is leis an Stiúrthóir um Fhorfheidhmiú Corparáideach cóipcheart ábhar an doiciméid seo. Féadfar iomlán nó páirt den doiciméad seo a atáirgeadh gan bhreis cheada, ar choinníoll go n-admhaítear foinse an eolais.

Níor chóir go dtuigfí aon ní dá bhfuil anseo mar fhaisnéis de nó ar son an Stiúrthóra um Fhorfheidhmiú Corparáideach maidir lena thuiscint nó lena léiriú ar aon cheann d'fhorálacha Achtanna na gCuideachtaí 1963 go 2012 nó maidir le léiriú ar dhlí ar bith. Ba chóir dul sa tóir ar Comhairle dlí neamhspleách maidir le héifeachtaí aon fhorála dlí. Ní ghlacann an Stiúrthóir um Fhorfheidhmiú Corparáideach le haon fhreagracht nó le haon dliteanas is cuma cén chaoi a n-éiríonn siad as ábhar an fhoilseacháin seo nó as aon bhotún, mhíchruinneas nó easnamh in ábhar an doiciméid seo. Forchoimeádann an Stiúrthóir an ceart caingean chúirte a thionscnamh a d'fhéadfadh a bheith nó gan a bheith de réir fhorálacha an doiciméid seo.

© Stiúrthóir um Fhorfheidhmiú Corparáideach 2013

Eurotext Translations agus foireann an Stiúrthóra a d'aistrigh an Tuarascáil Bhliantúil seo go Gaeilge

CLÁR ÁBHAIR

Brollach Ón Stiúrthóir	5
Sracfhéachaint Ar 2012	8
Caibidil 1: Forbhreathnú Ar OSFC	10
Sainordú reachtúil	11
Spriocanna ardleibhéal	11
Acmhainní, struchtúr eagrúcháin, socruithe rialachais agus príomhshruthanna oibre	12
Caibidil 2: Tuiscint Níos Fearr Ar Chearta Agus Dhualgais Na Bpáirtithe Lena Mbaineann Faoi Dhlí Na Gcuideachtaí A Chur Chun Cinn	17
Intreoir	18
Foilseacháin agus gníomhaíochtaí for-rochtana	18
Feabhsúcháin reachtaíochta agus bheartais a thathant	20
Caidrimh le páirtithe leasmhara seachtracha a bhainistiú agus a fhorbairt	22
Caibidil 3: Aghaidh A Thabhairt Ar Iompar Neamhdhleathach Agus Neamhfhreagrach Sa Mhéid Go Mbaineann Sé Le Dlí Cuideachta	26
Struchtúr na Caibidle seo	27
Ionchuir Sheachtracha	27
Tuairiscí alt 56 na leachtaitheoirí	28
Leithdháileadh earnálach d'ionchuir sheachtracha eile (is é sin ionchuir sheachtracha cé is moite de thuairiscí 56 na leachtaitheoirí)	31
Gearáin	32
Tuairiscí faoi chionta indíotáilte ó Iniúcháirí	32
Tarchuir	33
Tuairiscí faoi chionta indíotáilte ó chomhlachtaí gairmiúla	33
Tuairiscí leachtaitheoirí maidir le coiriúlacht a d'fhéadfadh a bheith ann	35
Tuairiscí faoi alt 19 den Acht um Cheartas Coiriúil 2011	35
Ionchuir Inmheánach	36
Intreoir	36
Cuideachtaí díscailte dócmhainneacha	36
Maoirseacht ar leachtaitheoirí	36
Imscrúduithe a tosaíodh ar a tionscnamh féin	37
Líon na n-ionchur inmheánach - 2012	37
TRÉCHUIR	38

ASCHUIR	40
Aschuir ó phróiseas alt 56	40
Aschuir na hoibre forfheidhmithe	43
Réiteach/leasúchán deonach a bhaint amach	43
Comhlíonadh a áirithiú trí chumhachtaí sibhialta an Stiúrthóra a fheidhmiú	43
Tarchuir chuig comhlachtaí gairmiúla agus rialála eile	44
Forfheidhmiú sibhialta	44
Forfheidhmiú coiriúil	46

Caibidil 4: Seirbhís Ardchaighdeáin Do Chustaiméirí A Chur Ar Fáil Do Pháirtithe Leasmhara Inmheánacha Agus Seachtracha

Seirbhís ardchaighdeáin do chustaiméirí a chur ar fáil do pháirtithe leasmhara seachtracha	51
Seirbhís ardchaighdeáin do chustaiméirí a chur ar fáil do pháirtithe leasmhara inmheánacha	54
Caighdeáin seirbhíse do chustaiméirí	55
Comhlíonadh oibleagáidí de bhun an dlí, rialacháin agus stádas na hOifige mar aonán earnála poiblí arna bhunú le reacht	55

Aguisíní

Aguisín 1: Caiteachais arna chionroinnt i gcoinne chionroinnt iarbhír: 2010 - 2012	58
Aguisín 2: Láithreoireachtaí a d'fhuascail agus taispeántais ar ar fhreastail - 2012	59
Aguisín 3: Cásanna ina rinne an Ard-Chúirt Orduithe srianadh de bhun alt 56 d'AFDC	64
Aguisín 4: Cásanna ina rinne an Ard-Chúirt Orduithe dícháilithe de bhun alt 56 d'AFDC	73
Aguisín 5: Cásanna ina nach dhearna an Ard-Chúirt Orduithe srianadh nó dícháilithe de bhun alt 56 d'AFDC	74

Gluais

BROLLACH ÓN STIÚRTHÓIR



BROLLACH ÓN STIÚRTHÓIR

Brollach

De bhun Alt 16(1) den Acht um Fhorfeidhmiú Dlí Cuideachtaí, 2001, is deas liom Tuarascáil Bhliantúil na hOifige don bhliain 2012 a chur faoi bhráid an Uasail Richard Bruton, T.D., an tAire Post, Fiontar agus Nuálaíochta.

Ar thús a chur leis an gceapachán dom ag deireadh mhí Lúnasa 2012, thug mé aghaidh ar thuiscint níos doimhne a fhorbairt ar phríomhshruthanna oibre na hOifige agus ar na dúshláin agus na deiseanna a thagann astu. Trí bhíthin plé tosaigh le mo chomhghleacaithe nua, d'éirigh na nithe seo a leanas soiléir dom:

- tá lucht oibre ardtiomanta ag an Oifig, ar oibríthe ardaithíoch agus a bhfuil méideanna an-ard saineolais acu ar dhlí na gcuideachtaí agus ar dhisciplíní gaolmhara eile iad cuid mhór oibríthe inti;
- stiúrtar gníomhaíochtaí na hOifige go pointe an-suntasach le hionchiur ó fhoinsí seachtracha – go háirithe i bhfoirm tuairiscí reachtúla leachtaitheoirí, a bhfuil ceanglas dlí ar an Oifig cinntí áirithe a dhéanamh ina leith. Mar sin de, is neamh-lánroghnach atá an leithdháileadh acmhainní ar an sruth oibre seo; agus
- in ainneoin gur díotáladh cúisimh, bunaithe ar na comhaid fiosraithe arna dtarchur chuig an Stiúrthóir Ionchúiseamh Poiblí, in aghaidh roinnt daoine aonair maidir le himeachtaí áirithe ag an iarBhanc-Chorparáid Angla-Éireannach cpt, leanann an cás air a bheith dian ar acmhainní ó thaobh na hOifige de mar gheall ar chúiseanna a fhorhíntear tuilleadh i gcorp na Tuarascála seo.

Mar thoradh ar an méid roimhe seo, tá scóip theoranta ag an Oifig trínar féidir léi aghaidh a thabhairt ar shruthanna oibre eile atá níos lánroghnaí – lena n-áirítear, mar shampla, an scrúdú ar ghearáin arna bhfáil ó bhail den phobal, tuairiscí reachtúla ó iniúchóirí agus ó chomhlachtaí gairmiúla agus féachaint le haghaidh a thabhairt go réamhghníomhach ar réimsí eile a bhfuil riosca ionchasach ag baint leo. In aghaidh an chúlra sin, ní mór aird a thabhairt ar na constaicí airgeadais a bhfuil an Stát ag oibriú lasmuigh díobh faoi láthair, agus ar an ionchas gaolmhar go ndéanann aonáin reachtúla, ar nós na hOifige, níos mó oibre le níos lú acmhainní.

Dá réir sin, ní mór dúinne, agus dár bpáirtithe leasmhara, a aithint agus a admháil nach féidir linn gach rud a dhéanamh. Ina ionad sin, ní mór dúinn, agus aird á tabhairt ar ár sainordú reachtúil, ár n-acmhainní ar fáil a úsáid sa bhealach is éifeachtaí is féidir. Chun an méid seo a dhéanamh, ní mór dúinn aird a thabhairt ar roinnt breithnithe tábhachtacha, lena n-áirítear:

- na cineálacha iompair neamhdhleathaigh agus neamhfhreagraigh i gcomhthéacs dlí na gcuideachtaí a bhfuil fianaise ar tharluithe suntasacha ina leith, bunaithe ar anailís staitistiúil agus ar fhaisnéis eile atá ar fáil
- an méid coibhneasta ar a bhfuil an cumas ag an iompar sin a bheith dochrach do pháirtithe leasmhara na hOifige agus do leas an phobail níos leithne;
- paraiméadair ár sainchúraim reachtúil agus na n-uirlisí éagsúla atá ar fáil dúinn; agus
- an dóchúlacht go mbeimis in ann aghaidh a thabhairt ar an iompar sin, agus aird á tabhairt ar bhreithnithe ar nós na nithe seo a leanas:
 - an éifeachtúlacht costais, agus an costas deise lena mbaineann, ar chúrsaí gníomhaíochta áirithe i gcoibhneas cúrsaí gníomhaíochta eile;
 - éifeachtaí athchomhairleacha dóchúla coibhneasta na roghanna éagsúla forfheidhmithe atá ar fáil dúinn;
 - an méid ar ar féidir, in imthosca iomchuí, coigeartú deonach a bhaint amach trí rannpháirtíocht dhearfach le páirtithe leasmhara/ó pháirtithe leasmhara, rud a sheachnóidh an gá le leas a bhaint as bearta atá níos foirmiúla, agus nach bhfuil an éifeachtúlacht costais chéanna ag baint leis i gcoitinne tríd sin;
 - dlí-eolaíocht lena mbaineann, go háirithe i gcomhthéacs na dlíthíochta sibhialta;
 - na dúshláin a bhaineann le fianaise a bhailiú le haghaidh trialacha coiriúla; agus
 - saincheisteanna reachtaíochta lena mbaineann.

Agus aird á tabhairt ar na breithnithe éagsúla sin, ní mór dúinn féachaint lenár n-acmhainní a dhíriú ar na réimsí sin ar dócha go mbeidh an tionchar is mó againn iontu. Dá réir sin, tá siad i measc na bpríomhbhreithnithe ar dóigh dóibh eolas a thabhairt do straitéis forfheidhmithe na hOifige sna blianta romhainn.

An bhliain faoi athbhreithniú

Mar is féidir a fheiceáil ó chorp na Tuarascála, sholáthair an Oifig roinnt aschur inláimhsithe i rith 2012, arb éard atá sa toradh comhcheangailte a bhí orthu ná cur leis na nithe seo a leanas:

- cabhrú le páirtithe leasmhara cloí lena n-oibleagáidí agus suí lena gcearta faoi seach faoi dhlí na gcuideachtaí; agus
- aghaidh a thabhairt ar thuilleadh iompair neamhfhreagraigh agus neamhchomhlíontaigh agus é a dhímholadh.

Áiríodh na nithe seo a leanas leis na rannchuidithe suntasacha ina leith sin:

- foilsíodh 10 gcáipéis treorach agus faisnéise nua ar mhaithe leis na páirtithe leasmhara;
- aimsíodh an coigeartú saincheistanna iasachtaí stiúrthóirí ar bhonn neamhreachtúil cothrom le luach comhiomlán de thuairim is €55m;
- rinneadh comhlíonadh oibleagáidí faoi Achtanna na gCuideachtaí thar ceann raon páirtithe a aimsiú go rathúil i gcorradh le 200 cás trí bhearta níos foirmiúla;
- aimsíodh an dícháiliú 19 duine aonair, agus an srianadh beirt eile, mar thoradh ar iarratais Chúirte arna ndéanamh ag an Oifig;
- rinneadh 227 stiúrthóir cuideachtaí a shrianadh, agus 15 stiúrthóir eile a dhícháiliú, mar thoradh ar iarratais chuig an Ard-Chúirt arna ndéanamh ag leachtaitheoirí tar éis don Oifig iniúchadh a dhéanamh ar thuairiscí na mbunleachtaitheoirí;
- aimsíodh 16 chiontú choiriúla sa Chúirt Dúiche as sárúithe Achtanna na gCuideachtaí; agus
- cuireadh isteach:
 - comhaid imscrúdaithe bhreise chuig an Stiúrthóir Ionchúiseamh Poiblí maidir le himeachtaí áirithe ag an iarBhanc-Chorparáid Angla-Éireannach cpt, ar ordaigh an Stiúrthóir Ionchúiseamh Poiblí 60 ionchúiseamh san iomlán a dhíotáil in aghaidh roinnt daoine aonair ar a mbonn; agus
 - 3 chomhad imscrúdaithe leithleacha agus neamhbhainteacha eile chuig an Stiúrthóir Ionchúiseamh Poiblí faoi shaincheistanna nár bhain leis an mBanc-Chorparáid Angla-Éireannach.

Ráitis chonclúideacha

Mar bhuille scoir, ba mhaith liom buíochas a ghabháil le mo chomhghleacaithe as an bhfálte a chuireadar romham ar ghlacadh an phoist seo dom agus as an tacaíocht a leanadar orthu a thabhairt dom ó shin i leith. Ba mhaith liom freisin ómós a thabhairt do mo réamhtheachtaí, Paul Appleby, as a dhiongbháilteacht agus as a thiomantas don Oifig agus dá cuspóirí ar fud a shealbhaíochta oifige mar Stiúrthóir agus guím rath leis ina scor.

Ian Drennan
Stiúrthóir
27 Márta, 2013

SRACFHÉACHAINT AR 2012

SRACFHÉACHAINT AR 2012

Tathant

- Eisíodh 10 bhfoilseachán treorach agus faisnéise nua
- Soláthraíodh 47 láithreoireacht faisnéise agus freastalaíodh ar 16 thaispeántas

Forfheidhmiú

Foinsí ár gcuid oibre

- Fuarthas beagnach 2,000 tuairisc reachtúil ó leachtaitheoirí, ó iniúcháirí agus ó chomhlachtaí gairmiúla
- Fuarthas breis agus 300 gearán ó bhail den phobal
- Rinneadh breis agus 170 ionchur go himmheánach

Aschur ónár gcuid oibre

- Tar éis iniúchadh a dhéanamh ar thuiriscí arna gcur faoi bhráid na hOifige ag leachtaitheoirí cuideachtaí dócmhainneacha, rinne an Ard-Chúirt 227 stiúrthóir cuideachtaí a shrianadh agus 15 stiúrthóir cuideachtaí a dhícháiliú
- Coigeartaíodh sárúithe iasachta stiúrthóirí ar fiú €55m iad mar thoradh ar ghníomhaíochtaí na hOifige
- Aimsíodh comhlíonadh Achtanna na gCuideachtaí i 210 ásc ar leith trí chumhachtaí sibhialta an Stiúrthóra a fheidhmiú
- Aimsíodh comhlíonadh Achtanna na gCuideachtaí i 3 chás eile trí iarratais rathúla arna ndéanamh ag an Oifig
- Rinneadh 19 duine aonair a dhícháiliú agus 2 daoine aonair eile a shrianadh mar thoradh ar iarratais arna ndéanamh ag Oifig na hArd-Chúirte
- Aimsíodh 16 chiontú choiriúla sa Chúirt Dúiche, i dteannta Ordú dícháilithe gaolmhar
- Cuireadh 3 chomhad leithleacha neamhbhainteacha¹ faoi bhráid an Stiúrthóra Ionchúiseamh Poiblí chun breithniú a dhéanamh ar ar cheart ionchúisimh a ghearradh ar díotáil nó nár cheart
- Tarchuireadh 18 gceist ar leith chuig comhlachtaí cuntasóireachta gairmiúla maidir le ceisteanna a bhain lena mbaill

Imscrúdú A Bhaineann Leis An Mbanco-Chorparáid Angla-Éireannach Cpt

Alt 60, Acht na gCuideachtaí, 1963

- Cuireadh comhad breise faoi bhráid an Stiúrthóra Ionchúiseamh Poiblí i mí Feabhra 2012
- I mí Iúil 2012, agus tar éis di breithniú a dhéanamh ar na comhaid arna gcur isteach ag an Oifig roimhe, d'ordaigh an Stiúrthóir Ionchúiseamh Poiblí go ndéanfaí 48 ionchúiseamh san iomlán a dhíotáil in aghaidh 3 daoine aonair
- Cuireadh cúnaimh ar fáil don Stiúrthóir Ionchúiseamh Poiblí agus Leabhair Fianaise alt 60 á n-ullmhú
- Soláthraíodh acmhainní suntasacha chun cabhrú leis an Stiúrthóir Ionchúiseamh Poiblí oibleagáidí nochta an ionchúisimh leis an gcosaint a chomhlíonadh

Alt 197, Acht na gCuideachtaí, 1990

- Cuireadh comhaid bhreise faoi bhráid an Stiúrthóra Ionchúiseamh Poiblí i mí an Mhárta agus i mí an Mheithimh 2012 faoi seach
- I mí na Nollag 2012, agus tar éis di breithniú a dhéanamh ar na comhaid arna gcur isteach ag an Oifig, d'ordaigh an Stiúrthóir Ionchúiseamh Poiblí go ndéanfaí 12 ionchúiseamh san iomlán a dhíotáil in aghaidh 1 duine aonair
- Cuireadh cúnaimh ar fáil don Stiúrthóir Ionchúiseamh Poiblí agus Leabhar Fianaise alt 197 á n-ullmhú

Na Rialacháin Trédhearcachta (Treoir 2004/109/CE) 2007 / Rialacháin na gComhphobal Eorpach (Glachtaí chuig Liostú agus Forálacha Ilghnéitheacha), 2007

- Cuireadh comhad faoi bhráid an Stiúrthóra Ionchúiseamh Poiblí i mí an Mhárta 2012

Airgeadas

- Ba é €3.43m an costas ar an Oifig a rith le linn 2012, arb ionann é agus 57% dá leithdháileadh don bhliain.

¹ A bhaineann le cúrsaí nach bhfuil bainteach leis an mBanco-Chorparáid Angla-Éireannach cpt



FORBHREATHNÚ AR OSFC

CAIBIDIL 1 FORBHREATHNÚ AR OSFC

Sainordú reachtúil

Oifig an Stiúrthóra um Fhorfheidhmiú Corparáideach

Rinneadh foráil san Acht um Fhorfheidhmiú Dlí Cuideachtaí, 2001, ("AFDC")² do chruthú an phoist mar Stiúrthóir um Fhorfheidhmiú Corparáideach ("an Stiúrthóir"). Faigheann an Stiúrthóir, a gceapann an tAire Post, Fiontar agus Nuálaíochta ("an tAire") é/í, cúnamh i gcabhair a shainordaithe/sainordaithe reachtúil:

- ó bhail foinne arna gceapadh ag an Aire; agus
- ó bhail den Gharda Síochána ar iasacht chun na críche sin.

I dteannta a chéile, comhdhéanann na daoine roimhe seo Oifig an Stiúrthóra um Fhorfheidhmiú Corparáideach ("OSFC"/"an Oifig")

Príomhfheidhmeanna an Stiúrthóra

Leagtar príomhfheidhmeanna an Stiúrthóra amach san Acht um Fhorfheidhmiú Dlí Cuideachtaí³. Áirítear leo:

- i. comhlíonadh Achtanna na gCuideachtaí a spreagadh;
- ii. áisc de chionta a bhfuiltear in amhras orthu a imscrúdú faoi Achtanna na gCuideachtaí;
- iii. Achtanna na gCuideachtaí a fhorfheidhmiú, lena n-áirítear tríd an ionchúiseamh cionta trí bhíthin imeachtaí achoimre⁴;
- iv. cásanna a tharchur, faoina rogha, chuig an Stiúrthóir Ionchúiseamh Poiblí ("SIP") i gcás ina bhfuil cúis réasúnta ag an Stiúrthóir le creidiúint go ndearnadh cion indiotáilte⁵ faoi Achtanna na gCuideachtaí; agus
- v. ról maoirseachta a fheidhmiú, sa mhéid is a mheasann an Stiúrthóir é a bheith riachtanach nó cuí, ar ghníomhaíocht leachtaitheoirí agus glacadóirí agus iad i mbun a gcuid feidhmeanna faoi Achtanna na gCuideachtaí a chomhlíonadh.

Neamhspleáchas an Stiúrthóra

Déantar foráil san Acht um Fhorfheidhmiú Dlí Cuideachtaí⁶ go mbeidh an Stiúrthóir neamhspleách i bhfeidhmiú a chuid/cuid feidhmeanna.

Spriocanna ardleibhéil

Bunaithe ar na príomhfheidhmeanna reachtúla, faoi mar atá leagtha amach thuas, ba iad spriocanna ardleibhéil OSFC i rith na bliana faoi athbhreithniú ná:

- i. Tuiscint níos fearr ar chearta agus dhualgais na bpáirtithe lena mbaineann faoi dhlí na gcuideachtaí a chur chun cinn;
- ii. Aghaidh a thabhairt ar iompar neamhdhleathach agus neamhfhreagrach sa mhéid go mbaineann sé le dlí na gcuideachtaí; agus
- iii. Seirbhís ardchaighdeáin do chustaiméirí a chur ar fáil do pháirtithe leasmhara inmheánacha agus seachtracha.

² Alt 7

³ Alt 12(1)

⁴ is é sin roimh an gCúirt Dúiche

⁵ Is éard atá i gcion indiotáilte ná cion is féidir a thriail ar díotáil, is é sin, roimh ghiúire sa Chúirt Chuarda.

⁶ Alt 12(2)

Formhínítear mar seo a leanas na straitéisí agus na gníomhaíochtaí ar coinníodh leo agus a rinneadh faoi seach i rith na bliana faoi athbhreithniú chun na spriocanna seo a bhaint amach sa chuid eile den Tuarascáil:

- Caibidil 2 – Tuiscint níos fearr ar chearta agus dhualgais na bpáirtithe lena mbaineann faoi dhlí na gcuideachtaí a chur chun cinn;
- Caibidil 3 - Aghaidh a thabhairt ar iompar neamhdhleathach agus neamhfhreagrach sa mhéid go mbaineann sé le dlí na gcuideachtaí
- Caibidil 4 - Seirbhís ardchaighdeán do chustaiméirí a chur ar fáil do pháirtithe leasmhara inmheánacha agus seachtracha

Acmhainní, struchtúr eagrúcháin, socruithe rialachais agus príomhshruthanna oibre

Acmhainní daonna

Amhail an 1 Eanáir 2012, bhí líon foirne faofa de 52.1 coibhéis lánaimseartha ("CL") agus líon iarbhír de 49.8 CL ag an Oifig. Amhail deireadh na bliana, bhí laghdú 2.1 ar líon foirne faofa na hOifige mar thoradh ar an Scéim Luathscoir Dhreasaithe agus b'ionann an líon foirne iarbhír agus 44.4 CL. Leagtar comhdhéanamh líon foirne na hOifige amhail an 31 Nollaig 2012 amach sa Tábla thíos.

Tábla 1
Anailís ar líon foirne iarbhír (CLanna) – amhail an 31 Nollaig 2012

Grád	Líon
Stiúrthóir	1
Ceannasaithe Feidhme ⁷ (ach amháin Garda)	4
Comhairleoirí Dlí	2
Cuntasóirí	2
Aturnaetha	2
Príomhoifigigh Cúnta	4
Ard-Oifigigh Feidhmiúcháin	7.6
Oifigigh Feidhmiúcháin	6.8
Oifigigh Cléireachais	7.5 ⁸
Bleachtaire Gardaí (ar iasacht ó Biuró an Gharda um Imscrúdú Calaoise)	
Cigire Bleachtaireachta (Ceannasaí Feidhme)	1
Sáirsint Bleachtaireachta	2
Bleachtaire Gardaí	4.5
Garda	1
Ceannfort	0.1
IOMLÁN	45.5

⁷ Comhairleoir Dlí amháin agus Aturnae amháin san áireamh

⁸ Rúnaí Dlí sealdach san áireamh

Acmhainní airgeadais

Maoinítear an Oifig trí Vóta (Vóta 34) na Roinne Post, Fiontar agus Nuálaíochta ("an Roinn"). Leagtar amach sa tábla thíos sonraí maidir le leithdháileadh agus caiteachas faoi seach na hOifige do 2012.

Tábla 2
Leithdháileadh airgeadais agus caiteachas - 2012

	Cionroinnt €000anna	Caiteachas €000anna	%
Pá	2,620	2,463	94
Neamhphá	3,077	973	31.6
Costais Dlí Eiseachtúil	300	0	0
Iomlán	5,997	3,436	57.3

Ba iad seo a leanas na príomhfháthanna a raibh caiteachas iarbhír difriúil leis an leithdháileadh:


- coigiltí ar phá, mar thoradh ar lagduithe foirne ag teacht as an Scéim Luathscoir Dhreasaithe; agus
- nór tháinig costais áirithe dlí a rabhtas ag súil leo aníos i rith na bliana. Ar chinneadh cás amháin, seachnaíodh costais go rathúil. I gcásanna eile, cuireadh saincheist na gcostas siar toisc go raibh éisteacht na gcásanna sin os comhair na gCúirteanna ar feitheamh amhail deireadh na bliana.

Déantar anailís níos mionsonraithe ar chaiteachas i rith na bliana a leagan amach in Aguisín 1 leis an Tuarascáil seo.

Struchtúr eagrúcháin

Tar éis é a cheapadh, chuir an Stiúrthóir nua leasuithe áirithe le struchtúr eagrúcháin na hOifige i bhfeidhm. Bhí na leasuithe sin dírithe den chuid is mó ar an réimse um Fhorfheidhmiú agus Seirbhísí Gairmiúla.

Agus aird á tabhairt ar phríomhfheidhmeanna reachtúla an Stiúrthóra agus ar na sruthanna oibre lena mbaineann, tá an Oifig struchtúrtha in ocht nAonad, agus tagann gach Aonad faoi fhreagracht duine amháin as cúigear Ceann Feidhme. Déantar struchtúr eagrúcháin na hOifige a leagan amach san eagraghram ar an gcéad leathanach eile.



Socruithe rialachais

I bpáirtíocht leis na leasuithe le struchtúr eagrúcháin na hOifige a cuireadh i bhfeidhm tar éis Stiúrthóir nua a cheapadh, rinneadh leasuithe áirithe le struchtúr rialachais na hOifige. Mar thoradh air sin, tagann Bord Bainistíochta athchumraithe – ina bhfuil an Stiúrthóir agus gach Ceann Feidhme – le chéile go rialta agus pléann sé saincheisteanna ag a bhfuil ábharthacht ar fud na hOifige. Áirítear feidhmíocht eagrúcháin agus bainistíocht riosca le saincheisteanna a bhfuil an-tábhacht ag baint leo ó thaobh an Bhoird Bhainistíochta.

Príomhshruthanna oibre

Is amhlaidh nádúr phríomhshruthanna oibre na hOifige go dteastaíonn ó fhorhmór díobh cur chuige ildisciplíneach ina bhfuil idirghníomhaíocht leanúnach idir Aonaid agus/nó comhar gníomhach na nAonad d'fhonn cuspóirí corparáideacha a bhaint amach.

Dá réir sin, is éard atá i gcumarsáid éifeachtach idir Aonaid, agus peirspictíocht ar fud na heagraíochta á glacadh ag gach Aonad agus a chuid feidhmeanna á bhfeidhmiú aige ná imthoisc ratha ríthábhachtach. Dá réir sin, is cur chuige é seo a dhéanann an Bord Bainistíochta a spreagadh agus a éascú.

Déantar príomhshruthanna oibre na hOifige a leagan amach sa Tábla thíos, i dteannta sonraí maidir leis an áit sa Tuarascáil seo ina bpléitear go príomha le gach sruth oibre.

Tábla 3
Príomhshruthanna oibre

Sruth oibre	Aona(i)d ag a bhfuil baint leis go príomha	Caibidil
Comhlíonadh Achtanna na gCuideachtaí a spreagadh	Sa chéad ásc, is ar an Aonad Tathanta atá freagracht as comhlíonadh Achtanna na gCuideachtaí. Mar sin féin, déanann an tAonad Tathanta teagmháil le hAonaid eile lena mbaineann d'fhonn monatóireacht a dhéanamh ar threochtaí agus réimsí ar fiú tionscnaimh dhírthe tathanta iad a shainnithint.	2
Feabhsúcháin reachtaíochta agus bheartais a thathant	Ag brath ar chineál an ábhair, sanntar forbairt aighneachtaí OSFC d'aonad amháin nó níos mó ná aonad amháin. I gcoitinne, áfach, déanfar forbairt na n-aighneachtaí a chomhordú tríd an Aonad Tathanta.	2
Athbhreithniú agus breithniú a dhéanamh ar thuairiscí leachtaitheoirí	Déanann an tAonad Dócmhainneachta tuairiscí leachtaitheoirí a phróiseáil. Déanann Cás-Oifigigh, a oibríonn den chuid is mó san Aonad Dócmhainneachta agus san Aonad Seirbhísí Gairmiúla faoi seach, cinntí ar thuairiscí aonair.	3
Scrúdú gearán agus tuairiscí reachtúla	Tá freagracht ar an Aonad Measúnaithe as gearáin agus tuairiscí reachtúla (ar nós tuairiscí faoi chionta indíotáilte ó iniúchóirí, mar shampla) a scrúdú. Ag brath ar chineál na saincheisteanna a thagann aníos, féadfaidh an tAonad Measúnaithe: <ul style="list-style-type: none"> • aghaidh a thabhairt ar na saincheisteanna é féin, m.sh. trí bhíthin coigeartú/leasú deonach nó trí chumhachtaí áirithe de chuid chumhachtaí reachtúla an Stiúrthóra á n-úsáid; • an cheist a tharchur chuig an Aonad Forfheidhmithe agus Seirbhísí Gairmiúla le haghaidh tuilleadh imscrúdaithe; • an cheist a tharchur chuig an Aonad Dócmhainneachta, m.sh., i gcás ina mbaineann na saincheisteanna i gceist le cuideachta dhócmhainneach atá faoi lechtú; • an cheist a tharchur chuig tríú páirtí. 	3

Sruth oibre	Aona(i)d ag a bhfuil baint leis go príomha	Caibidil
Dlíthíocht forfheidhmithe shibhialta	<p>Den chuid is mó, déanann an tAonad Forfheidhmithe agus Seirbhísí Gairmiúla, i gcomhar le hAonad an Aturnae Phríomha, dlíthíocht forfheidhmithe shibhialta a bhainistiú.</p> <p>Comhbhainistíonn an tAonad Dócmhainneachta agus Aonad an Aturnae Phríomha dlíthíocht shibhialta, ar nós dícháiliú stiúrthóirí cuideachtaí a baineadh as an gClár le linn dóibh fiachais neamhscaoilte a bheith acu a iarraidh.</p>	3
Imscrúdú coiriúil agus ionchúiseamh	<p>Déanann an tAonad Forfheidhmithe agus Seirbhísí Gairmiúla, i gcomhar le hAonad an Gharda Síochána, imscrúdú ar shárúithe coiriúla féideartha Achtanna na gCuideachtaí.</p> <p>A luaithe is a dhéantar cinneadh chun tús a chur le himeachtaí coiriúla achoimre, éiríonn an t-ionchúiseamh ina ionchúiseamh comhoibríthe idir an tAonad Forfheidhmithe agus Seirbhísí Gairmiúla, Aonad an Gharda Síochána agus Aonad an Aturnae Phríomha.</p> <p>I gcásanna ina ndéanann an Stiúrthóir Ionchúiseamh Poiblí, tar éis dó/dí athbhreithniú a dhéanamh ar chomhad imscrúdaithe faoi mar a bhí sé curtha ag an Oifig, cinneadh chun ionchúiseamh ar díotáil a thionscnamh, bíonn freagracht ar an Aonad Forfheidhmithe agus Seirbhísí Gairmiúla agus Aonad an Gharda Síochána go príomha as tacaíocht ina dhiaidh sin a chur ar fáil d'Oifig an Stiúrthóra Ionchúiseamh Poiblí (mar shampla, maidir le nochtadh leis an gcosaint).</p>	3
Maoirseacht ar iompar leachtaitheoirí	<p>Is éard atá i ngníomhaíochtaí a dhéantar chun maoirseacht a dhéanamh ar iompar leachtaitheoirí (ar nós, mar shampla, léiriú leabhar agus taifead leachtaitheoirí a iarraidh) ná iarracht chomhoibríoch idir an tAonad Dócmhainneachta agus an tAonad Forfheidhmithe agus Seirbhísí Gairmiúla. I gcásanna ina dtagann an gá le dul i mbun dlíthíochta as na gníomhaíochtaí sin, glacann Aonad an Aturnae Phríomha páirt.</p>	3
Soláthar seirbhísí tacaíochta	<p>Is é an tAonad Seirbhísí Corparáideacha atá freagrach go príomha as seirbhísí tacaíochta a sholáthar.</p> <p>Tá freagracht ar gach Aonad as cabhrú leis an Aonad Seirbhísí Corparáideacha chun a chinntiú go gcomhlíonfar go hiomlán oibleagáidí OSFC mar Oifig a mhaoinítear go poiblí (m.sh. i réimsí an tsoláthair, na nósanna imeachta imréitigh cánach, etc.).</p>	4
Bainistíocht agus forbairt caidrimh	<p>Cé go mbeidh méid níos mó idirphlé le páirtithe leasmhara seachtracha áirithe ag Aonaid áirithe ná a bheidh ag aonaid eile, de bhrí chineál a n-oibríochtaí príomha, is amhlaidh nádúr idirnasctha na heagraíochta go bhfuil ról ag gach Aonad i mbainistíocht agus i bhforbairt caidrimh leanúnach.</p>	2